

**BASES PARA A SELECCIÓN DO ALUMNADO – TRABALLADOR**

**OBRADOIRO DE EMPREGO “MANCO XOVE IV”**

**Entidade Promotora: MANCOMUNIDADE VOLUNTARIA DE CONCELLOS DA COMARCA DE OURENSE**

**Subvencionado pola CONSELLERÍA DE ECONOMÍA, EMPREGO E INDUSTRIA E O FSE.**

**Primeira.- Obxecto.**

Estas Bases teñen como finalidade, de conformidade co previsto nos artigos 2 e 12 da Orde de 27 de decembro de 2019 pola que se establecen as bases reguladoras das axudas e subvencións para a realización de Programas de emprego para persoas mozas incluídas no ficheiro do Sistema nacional de garantía xuvenil (formación e aprendizaxe) no ámbito da CCAA de Galicia, e se procede a súa convocatoria para o ano 2020, establecer o procedemento selectivo, o perfil, características e requisitos das persoas candidatas, as convocatorias e o baremo que se aplicará na selección de quen es serán contratados como **ALUMNADO-TRABALLADOR do Obradoiro de Emprego “MANCO XOVE IV”** promovido pola entidade MANCOMUNIDADE VOLUNTARIA DE CONCELLOS DA COMARCA DE OURENSE e subvencionado pola Consellería de Economía, Emprego e Industria.

**Segunda.- Requisitos para poder participar como alumnado-traballador:**

-Poderán ser persoas beneficiarias participantes deste programa aquelas persoas mozas inscritas no ficheiro do Sistema nacional de garantía xuvenil no ámbito da Comunidade Autónoma de Galicia, de conformidade co disposto na Lei 18/2014, do 15 de outubro, e no Programa operativo de emprego xuvenil 2014-2020.

- Cumprir os requisitos para poder formalizar o contrato de formación e a aprendizaxe, segundo o previsto no artigo 13 da referida Orde.

- Estar inscrito como demandante na correspondente oficina de emprego.

**Terceira.-Tribunal cualificador.**

O tribunal será nomeado pola entidade promotora e estará constituído por empregados públicos dos concellos integrantes na Mancomunidad voluntaria de concellos da comarca de Ourense.

O tribunal que terá como función revisar o cumprimento dos requisitos dos/as aspirantes, a realización da entrevista e a valoración dos méritos alegados polos/as aspirantes presentados/as estará integrado por un/unha Presidente/a, un/unha Secretario/a e tres vogais.



# **MANCOMUNIDADE VOLUNTARIA DE CONCELLOS DA COMARCA DE OURENSE**

**Lugar Paderne nº1 C.P: 32112 - Paderne de Allariz (Ourense)**

**P3200026G**

O tribunal non poderá actuar ou constituírse sen a presenza polo menos de tres dos seus membros con dereito a voto, sendo imprescindible en todo caso a asistencia do/a Presidente e do/a Secretario/a, esta última persoa sen voto.

O tribunal actuará con suxeición ás bases da convocatoria, quedando facultado para resolver cantas cuestións se susciten na súa interpretación .

O tribunal cualificador poderá estar asistido por persoal técnico para poder realizar a súa función.

## **Cuarta.- Sistema de admisión de candidatos: oferta de emprego tipo T.**

O sistema de recrutamento e admisión de candidatos/as será o de oferta de emprego xenérica tramitada pola oficina de emprego de Ourense A Ponte.

A sondaxe terá en conta as persoas que teñan solicitado algún dos seguintes servizos: Escola taller programas, Casa de Oficio, Taller de emprego e Outros programas de emprego formación dual.

Os parámetros da sondaxe serán:

a) Ocupación: Alumnado-traballador obradoiro de emprego.

b) Ámbito xeográfico: O de actuación do proxecto. De non atoparse o número mínimo de candidatos (3) ampliarase, por este orde, ao ámbito comarcal, ao da oficina de emprego, e finalmente ao da provincia.

c) Número de candidatos a convocar pola oficina de emprego:

- mínimo 3  
- máximo 5

## **Sétima.- Publicidade da oferta de emprego.**

Tanto estas bases como as listaxes cos resultados do proceso de selección serán expostas no taboleiro de anuncios da oficina de emprego que tramite a oferta de emprego, taboleiro de anuncios e na sede electrónica da entidade promotora.

## **Oitava.- Actividades selectivas**

1.- As actividades do proceso de selección terán por finalidade determinar a persoa con maior adecuación ao posto.

A puntuación de cada un dos candidatos estará determinada polo resultado da valoración dunha parte subxectiva e outra obxectiva que consisten nunha entrevista persoal e valoración de méritos respectivamente e cunha valoración total máxima de 30 puntos. Publicaranse, en pri-



**MANCOMUNIDADE VOLUNTARIA DE CONCELLOS DA COMARCA DE OURENSE****Lugar Paderne nº1 C.P: 32112 - Paderne de Allariz (Ourense)****P3200026G**

meiro lugar, as puntuacións correspondentes á entrevista persoal. Unha vez publicadas, procederase a valoración dos méritos de cada un dos candidatos.

**1.A.- Valoración de méritos. Puntuación máxima 20 puntos.**

A oficina de emprego de xestión da oferta citará ás persoas candidatas na data, lugar e hora que acorde a entidade promotora.

Na carta de convocatoria debe constar que as persoas candidatas teñen que presentarse coa documentación acreditativa dos méritos sinalados nas bases da convocatoria presentando un documento asinado onde se enumere a documentación que se achega e se autorice á entidade promotora a publicar os seus datos (nome e apelidos, DNI) nas actas, listaxes ou calquera outro documento que resulte do proceso. A documentación que se presente para xustificar os méritos deben ser orixinais ou copias compulsadas.

Os méritos que serán valorados son os que de seguido se relacionan:

	CRITERIOS		PUNTOS
1	Ter planificado no seu Itinerario Profesional de Inserción a súa participación neste programa		6
2	Persoas beneficiarias que non recibiran previamente atención polo sistema		4
3	Discapacidade $\geq 33\%$		1
4	Idade	De 18 ata 20 anos	0,5
		De 20 ata 22 anos	1
		De 22 ata 24 anos	2
		De 24 ata < 30 anos	3
5	Experiencia laboral	Ningunha	3
		Ata 12 meses	2
		$\geq 12$ meses	1



**MANCOMUNIDADE VOLUNTARIA DE CONCELLOS DA COMARCA DE OURENSE****Lugar Paderne nº1 C.P: 32112 - Paderne de Allariz (Ourense)****P3200026G**

6	Nivel de cualificación profesional	Baixa (que non posúan un carné profesional, certificado de profesionalidade de nivel 2 ou 3, título de F.P. ou titulación universitaria)	3
		Media (que posúan un carné profesional, certificado de profesionalidade de nivel 2 ou FP ciclo medio)	1,5
		Alta (que posúan certificado de profesionalidade de nivel 3, título de FP de ciclo superior ou titulación universitaria)	0,5

**1.B.- Á Entrevista Persoal. Puntuación máxima de 10 puntos.**

A entrevista persoal ten como finalidade determinar as aptitudes e capacidades persoais para desempeñar o posto de traballo obxecto da convocatoria, tanto as de carácter xeral como as relativas á súa adecuación ás singularidades do proxecto formativo de que se trate.

A entrevista non será eliminatoria e corresponderalle unha puntuación de 10 puntos.

Na Resolución de Presidencia na que conste a lista definitiva de admitidos e excluídos indícase o lugar, data e hora na que se deben presentar os/as aspirantes para a realización da entrevista persoal.

**Novena. Proceso de selección.**

Unha vez que as persoas candidatas presentaran a documentación correspondente, o tribunal nomeado pola entidade promotora, e unha vez constituído, comprobará con carácter previo á realización da entrevista que a persoa candidata cumpre cos requisitos de acceso ao proceso de selección e propón ao Presidente da entidade promotora a relación de admitidos e excluídos en función dos requisitos esixidos nas bases.

Por resolución de Presidencia aprobarase provisionalmente a lista de admitidos/as e excluídos/as no procedemento, que se publicará no taboleiros de anuncios e sede electrónica da Mancomunidad voluntaria de concellos da comarca de Ourense e no taboleiro de anuncios da oficina de emprego que xestionou a oferta. Na referida resolución concédese un prazo de 2 días hábiles para reclamacións ou corrección de erros.

Transcorridos 2 días hábiles a entidade promotora resolverá as reclamacións ou corrección de erros e fixara, na mesma Resolución definitiva de admitidos e excluídos, a data na que se realizará a entrevista e a data para a valoración de méritos dos/as candidatos/as admitidos/as.

O tribunal nomeado pola entidade promotora debe realizar primeiro a entrevista. Despois de rematadas todas as entrevistas, debe facer pública as puntuacións das mesmas no mesmo lugar onde foron realizadas as entrevistas, e na sede electrónica da entidade promotora.



# MANCOMUNIDADE VOLUNTARIA DE CONCELLOS DA COMARCA DE OURENSE

Lugar Paderne nº1 C.P: 32112 - Paderne de Allariz (Ourense)  
P3200026G

Nunha nova reunión o tribunal procederá á valoración dos méritos dos/as candidatos/as e deixará constancia en acta da puntuación da entrevista, puntuación da valoración dos méritos e puntuación final xunto coa relación dos aspirantes por orde de prelación para a súa contratación e a proposta de contratación do/a aspirante que obtivese maior puntuación.

## **Décima.- Contratación.**

Concluído o proceso de selección, a entidade promotora por Resolución de Presidencia procederá a establecer as puntuacións finais das persoas candidatas participantes no procedemento, segundo a acta do tribunal cualificador.

As ditas puntuacións finais virán dadas pola suma dos puntos acadados en cada fase e determinarán a orde de prelación das persoas aspirantes constituíndo a proposta para a súa posterior contratación pola entidade promotora.

Unha vez elaborada a proposta dos alumnos-traballadores a contratar para o proxecto, a entidade promotora deberá remitila a correspondente xefatura territorial que deberá verificar que cumpre todos os requisitos necesarios para participar no proxecto. O proxecto non poderá dar comezo en tanto a xefatura non comprobe que todo o persoal reúne ditos requisitos.

A entidade promotora está obrigada a contratar a persoa aspirante que obtivese a maior puntuación final.

A distribución dos postos correspondentes a cada concello participante realizarase en función dos seus representantes.

Ocuparán o último lugar na prelación, de acordo coa antedita distribución, as persoas candidatas que tiveran participado nalgún obradoiro de emprego nas dúas últimas convocatorias. En todo caso, os candidato/as non poderán cursar unha especialidade formativa que xa teñan superada.

As persoas candidatas cumprimentarán un cuestionario de datos relativos a súa situación profesional, laboral e de empregabilidade, que terá o valor de declaración responsable con presunción de veracidade. De comprobarse o falseamento dos datos poderase determinar a súa exclusión do proceso de selección.

Os posibles empates que resulten da aplicación do baremo resolveranse aplicando os seguintes criterios:

- Non tiveran participado en escolas obradoiro ou obradoiros de emprego ou tiveran participado un menor número de veces.
- Non teñan experiencia laboral ou a que teñen sexa menor
- Non teñan cualificación ou a súa cualificación sexa de menor nivel.
- Parado/as de longa duración
- Colectivo desfavorecido ou en risco de exclusión social.



# MANCOMUNIDADE VOLUNTARIA DE CONCELLOS DA COMARCA DE OURENSE

Lugar Paderne nº1 C.P: 32112 - Paderne de Allariz (Ourense)  
P3200026G

Serán propostos para participar no Obradoiro aquelas persoas que acaden maior puntuación como resultado do proceso de selección ata o número de prazas convocadas. As restantes formarán a listaxe de reservas, que estará vixente ata a data de inicio do proxecto.

## **Décima primeira.- Incidencias e reclamacións.**

De conformidade co artigo 14 da Orde de convocatoria, as incidencias e reclamacións serán resoltas pola entidade promotora.

## **Décimo segunda.- Información relativa o tratamento de datos de carácter persoal.**

Consonte o cumprimento da *Lei Orgánica 3/2018, de 5 de decembro, de Protección de Datos Persoais e garantía dos dereitos dixitais (LOPDGDD)* e tendo en conta as disposicións do Regulamento (UE) 2016/679 do Parlamento Europeo e do Consello, de 27 de abril de 2016 (RXPd), relativo á protección das persoas físicas no tratamento de datos persoais e os respectivos artigos 13 e 14 do citado RXPd, informámoslle que os que Vd. nos facilita e achega nesta solicitude ou outros que achegue da documentación aportada, serán incorporados a un Rexistro de Actividades de Tratamento de Xestión de Persoal da Mancomunidade Voluntaria de Concellos da Comarca de Ourense.

Sendo a finalidade do tratamento dos datos persoais dos participantes ou solicitantes a do propio proceso selectivo no que vostede solicita participar, e o tratamento dos seus datos farase tendo en conta as seguintes indicacións:

I.- Responsable do tratamento dos seus datos persoais: Mancomunidade Voluntaria de Concellos da Comarca de Ourense.

II.- Finalidade do tratamento dos seus datos persoais e documentación que achega:

Ao facilitar e aportar os datos como candidato e interesado en formar parte do proceso selectivo, vostede dá o consentimento para que sexa recompilada, utilizada, xestionada e tratada para este fin polo Responsable de Tratamento, só como se describe nas presentes bases de este concurso e con esta única finalidade, indicámoslle que os seus datos serán suprimidos unha vez que xa remate os termos e fin da modalidade contractual ou que as obrigacións legais así o establezan, os seus datos e a documentación achegada por vostede o longo do tempo do tratamento formarán parte dun “Rexistro de Actividades de Tratamento de Xestión de Persoal da Mancomunidade Voluntaria de Concellos da Comarca de Ourense” ca finalidade única de xestión e selección de persoal que se leva a cabo mediante as presentes bases do concurso, é co fin da valoración de méritos achegados polos/as aspirantes para o proceso do selectivo.

III.- Lexitimación para o tratamento dos datos:

A base lexitimadora para o tratamento dos seus datos son o cumprimento do art.6.1.a) do RXPd ante o seu propio consentimento que vostede concede ou, o do seu representado ca cumprimentación da presente solicitude como interesado en formar parte do proceso selectivo, e do art.6.1.e) RXPd sendo este tratamento necesario para o cumprimento do exercicio das propias funcións das administracións públicas conferidas a este Responsable de Tratamento, sendo neste caso as que se empregan para contratos de traballo temporal nas funcións das administracións públicas.

IV.- Os seus dereitos ao facilitarnos os seus datos:

Como persoa interesada poderá acceder aos seus datos persoais, así como solicitar a rectificación dos datos inexactos, solicitar a supresión dos datos, solicitar a limitación do tratamento



## MANCOMUNIDADE VOLUNTARIA DE CONCELLOS DA COMARCA DE OURENSE

Lugar Paderne nº1 C.P: 32112 - Paderne de Allariz (Ourense)  
P3200026G

destes, en cuxo caso unicamente este Responsable do Tratamento os conservará para o exercicio ou a defensa de reclamacións por obrigas legais.

Si vostede, desexa acadar máis información en canto o tratamento de datos o xeito de informar establecémoslo por capas e poñemos á súa disposición un cadro informativo relativo o tratamento de datos que vostede poderá consultar, así como o exercicio dos seus dereitos e de como tramitalos en

<http://mancomunidadmunicipioscomarcaourense.sedelectronica.gal/privacy.2> tamén poderá presentar solicitude ante Rexistro Principal da Mancomunidad Voluntaria de Concellos da Comarca de Ourense en Lugar Paderne nº1 (32112) - Paderne de Allariz (Ourense) ou enviando mail a [mancourense@hotmail.com](mailto:mancourense@hotmail.com), ditas solicitudes deberán dirixirse a Delegada de Protección Datos e deberán facer referencia ao dereito que pretenda exercer, achegando copia do seu DNI/NIF ou documento que o/a identifique e do seu representado se este fose o caso, ten dereito a obter confirmación do tratamento dos seus datos, o dereito de acceso, a rectificar e suprimir os datos, solicitar a portabilidade dos mesmos, a opoñerse o seu tratamento e solicitar a limitación deste, tamén no caso de considerar que os seus dereitos non son atendidos vostede pode presentar reclamacións ante a Autoridade de Control <https://www.aepd.es/>.

V.-Segredo e seguridade dos datos:

O Responsable do Tratamento, comprométese no uso adecuado e cumprimento normativo en canto o tratamento dos datos persoais das persoas usuarias ou interesados, a súa confidencialidade e a que o tratamento sexa de acordo coa súa finalidade para os que son recabados, así como a dar cumprimento á súa obriga de gardalos e protexelos con medidas que evitan a alteración, perda, limitar os tratamentos ou accesos non autorizados, así como resto das obrigas de cumprimento de conformidade co establecido na normativa vixente de protección de datos, aplicando aquelas políticas de seguridade que establece o RXPd e LOPDGDD e o propio Esquema Nacional de Seguridade (ENS).

VI.- Cesións de datos:

Non están previstas cesións mais alá das indicadas nas bases de este proceso selectivo.

En Paderne de Allariz, O Presidente, D. José Manuel Fernández Gómez.

Documento asinado dixitalmente.

